

之卒百人送烏孫焉

○宋祁曰越本都護韓宣奏烏孫

邵本無烏孫字

大吏大祿大監皆可以賜金印紫綬以尊輔大昆彌漢

許之後都護韓宣復奏星靡怯弱可免更以季父左大

將樂代為昆彌漢不許

○宋祁曰大將樂代為昆彌當作代將樂大為昆彌

後段

會宗為都護招還亡畔安定之

師古曰有人眾亡畔者皆招而還之故安定也

星靡死子雌栗靡代小昆彌烏就屠死子拊離代立

師古

日拊讀與撫同

為弟日貳所殺漢遣使者立拊離子安日為小

昆彌日貳亡阻康居漢徙已校屯姑墨

師古曰有戊已兩校兵此直徙

已校也

欲候便討焉安日使貴人姑莫匿等三人詐亡從

日貳刺殺之

師古曰詐畔亡而投之因得以刺殺

都護廉褒賜姑莫匿等